

मान जाना दाई वो

मान जाना दाई वो, मान जाना वो ॥
आरती थारी हुम अगियारी खाड़ा खप्पर तोर दुवारी ।
झन रिसियाना दाई वो.....

का मंतर जंतर मा दाई, मै हर तोला रिझावव माँ
नई जनाव तोर मान मनोती, कइसे के तोला मनावव माँ
तोर सेवा बर ओसरी पारी । सकलाये सगरो नर नारी ।
अब थिरयाना दाई वो.....

दसो अंगूरी ले घेरी बेरी, नत नत अरजी गुजारव वो
मन मंदिर में तोरे नाव के सरधा के दियना बारव वो
तिहि दुनिया के हस रखवारी । कतको रूप के सिरजन हारी ।
मोरो पतियाना दाई वो.....

तोर दिये अन धन परसादी, तोहिच बर ओ चघाये हव
नरियर भेला पान सुपारी, काचा लिमऊ मढाये हव
कारी पियर चाऊर भारी । बनथे बनाँकि तोर सहारी ।
झन चिचियाना दाई वो.....

मया पबरित निछ्मल बंधना, दाई तिहि गाडियाये वो
फेर काबर दुलरू लइका बर, माता तै रिसियाये वो
सांत होंगे जग के महतारी । गौतम तरस दरस बलीहारी ।
तै सुरताना दाई वो.....

गायक-दिवेश साहू
संगीतकार-राहुल एवं शेखर
मांदर वादक-चतुर मानिकपुरी
मंजीरा-योगश नीरज
कोरस- शुभम राजा नीरज
रचनाकार- श्री शेषनारायण गौतम गुरु जी
प्रेसक- जय माँ चण्डी सेवा एवं भजन मंडली लाखे नगर रायपुर

Source:

<https://www.bharattemples.com/man-jana-dai-vo-aarti-thari-hum-agiyaari-khada-khappar-tor-duvaari/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>